

13 Mac 2014

Kepada Pastor-pastor, Penatua-penatua, dan Pemimpin-pemimpin,

Adakan Satu Waktu Puasa Yang Kudus, Maklumkanlah Perkumpulan Raya

NECF meminta semua ahli-ahli gerejanya untuk mengadakan satu waktu puasa yang kudus dan memaklumkan perkumpulan raya di gereja masing-masing pada 12 April 2014.

Tuhan memberi perintah kepada Yoël, "Tiuplah sangkakala di Sion, adakanlah puasa yang kudus, maklumkanlah perkumpulan raya; kumpulkan bangsa ini, kuduskanlah jemaah, himpunkanlah orang-orang yang tua, kumpulkanlah anak-anak, bahkan anak-anak yang menyusu; baiklah penganten laki-laki keluar dari kamarnya, dan penganten perempuan dari kamar tidurnya." (Yoël 2:15, 16, TB).

Nabi Yoël mula-mula membuat panggilan ini semasa masyarakat sudah melalui pembuangan dan selepas negara itu mengalami malapetaka. Hari ini, kita juga hidup dalam suasana yang mendesak seperti ini. Malapetaka ada saja di depan pintu kita¹. Nampaknya kedua-dua Gereja dan masyarakat sudah menyerap fikiran-fikiran negatif dan ketiadaan harapan di tengah-tengah seruan untuk keadilan dan kebebasan yang wujud akibat daripada rasuah dan ketidakadilan.

Kebanyakan Gereja terperangkap dalam keduniawian dan tidak banyak bukti yang menunjukkan bahawa gereja tidak berdosa seperti gereja di Efesus dalam hal meninggalkan kasihnya yang pertama². Gereja yang tidak berdoa adalah satu kesan, yang menyedihkan, daripada kasih kita yang palsu kepada Dia; kita bersalah kerana menyembah ciptaan dan bukannya Pencipta. Firman Tuhan kepada jemaat di Sardis juga adalah sangat tajam "Sebab tidak satu pun dari pekerjaanmu Aku dapati sempurna di hadapan Allah-ku." ³

"Kembalilah kepada-Ku, maka Aku pun akan kembali kepadamu" ⁴. Ini adalah masanya Gereja kembali menjadi terang dan garam. Ini adalah masanya kita berkumpul untuk berpuasa dan berdoa untuk gereja-gereja di Malaysia dan untuk negara.

Perkumpulan Raya adalah satu aspek penting dalam kebangunan rohani dalam Perjanjian Lama. Juga, sepanjang sejarah Gereja, perkumpulan raya merupakan bahagian integral dan penting dalam sesuatu kebangunan rohani.

Ciri-ciri perkumpulan raya dihuraikan dengan tepatnya oleh dua perkataan itu. Raya: perkumpulan ini adalah unik kerana roh yang serius dan bersungguh-sungguh akan mengatasi segala sesuatu dan ini adalah berbeza daripada sikap sambil lewa yang dapat diperhatikan semasa perhimpunan rutin untuk kebaktian. Perkumpulan: Ini adalah masa di mana semua orang di dalam Alkitab berkumpul dengan tujuan mencari wajah Tuhan.

Oleh itu, kita menyeru gereja-gereja setempat/ lokal untuk menghentikan semua aktiviti rutin/ biasa dan laksanakanlah program gereja anda separuh hari sahaja dengan tujuan untuk datang menghadap Tuhan kita yang kudus dengan sikap yang bersih dan suci, serta kembali kepada Dia dengan pertaubatan yang sepenuh hati. Semua aktiviti keagamaan boleh menjadi jijik di mata Tuhan yang kita akui kita menyembah Dia jika kita tidak bertaubat secara korporat.

NECF meminta semua ahli-ahli gerejanya untuk mengadakan *Perkumpulan Raya pada 12 April 2014* untuk berdoa dan mencari Tuhan untuk yang berikut:

- a. Pertaubatan individu dan korporat untuk Gereja dan negara;
- b. Gereja harus kembali kepada kasihnya yang pertama dan ini termasuk mencintai Firman Tuhan dan berghairah untuk menyembah Dia dalam takut akan Tuhan;
- c. Gereja harus taat dalam pembinaan rumah-Nya sebagai Rumah Doa;
- d. Untuk menjadi saksi yang berkesan, dan maka menjadi alat-alat yang Dia boleh pakai untuk transformasi di kota dan negara;
- e. Gereja menjadi contoh kesalihan dan hidup dengan kudus di dalam masyarakat yang sedang mengalami kerosakan nilai-nilai moral.
- f. Untuk Raja, Sultan-Sultan, Perdana Menteri, ahli-ahli Kabinet, Parlimen dan Dewan Undangan Negeri dipenuhi dengan hikmat dan sikap keadilan yang kuat untuk memerintah negara tanpa rasa takut atau memihak kepada sesiapa, sentiasa menjaga kebajikan rakyat sebagai prioriti utama;
- g. Untuk parti pembangkang dalam tugas mereka supaya mereka sentiasa, dengan konstruktifnya, membawa kerajaan untuk akauntabiliti;
- h. Untuk negara mengalami penyembuhan secara holistik sejajar dengan 2 Tawarikh 7:13, 14.

Pastor-pastor, Penatua-penatua dan Pemimpin-pemimpin, sebagai gembala kepada domba Tuhan, kita menyeru anda untuk meminta semua orang percaya di bawah jagaan anda untuk mengasingkan diri mereka, untuk meninggalkan semua yang mengalihkan perhatian, godaan kerana jika tidak, semua ini tidak akan melayakkan mereka untuk *Perkumpulan Raya* ini; minta mereka berusaha dengan sungguh-sungguh agar dapat bersama-sama dengan umat Tuhan untuk mencari Tuhan supaya kita melalui pertaubatan akan membuka jalan untuk Tuhan campur tangan dalam Rumah Tuhan dan dalam negara ini.

Segala kemuliaan hanya bagi Tuhan kita yang agung dan Yesus Kristus Penyelamat kita,

Rev Dr Eu Hong Seng
Pengerusi
NECF Malaysia

¹ Pada waktu tulisan ini, MH370 telah hilang selama 72 jam.

² Wahyu 2:1ff

³ Wahyu 3:2

⁴ Zakharia 1:3